

RECEIVED 1771











D xviii. d  
18



66647  
DISSERTATIO INAUGURALIS MEDICA

QUAESTIONEM PERQUIRENS

AN VIS IRRITABILIS FIBRARUM  
MUSCULARIUM INNATA IPSIS  
INHAEREAT, AN ALIUNDE  
AD EAS ACCEDAT?

---

QVAM

CONSENSU GRATIOSÆ FACULTATIS MEDICÆ

DECANO AC PROMOTORE

VIRO EXCELLENTISSIMO ATQVE EXPERIENTISSIMO

DOMINO

CAROLO FRIDERICO REHFELD,

MEDICINÆ DOCTORE EJUSDEMQUE PROFESSORE REGIO ORDINARIO

NEC NON CIVITATIS GRYPHICÆ PHYSICO.

PRO GRADU DOCTORIS OBTINENDO

DIE MARTII A. MDCCLXXI.

PLACIDO ERUDITORUM EXAMINI SUBJICIT

AUCTOR

WILHELMUS SAMUEL REHFELD,

SUNDENSIS.

---

GRYPHISWALDIÆ

LITTERIS A. F. RÖSE.

TRADE MARK

CAROL G. FRIEDRICH, REYN. ED.






## PROEMIUM.

**S**pecimen inaugurale, quod leges Academicae a Medico libertatem artem suam exercendi capeffuro postulant, exhibiturus anxius haerebam, quodnam disputationis thema, quum scribendi iam esset necessitas, pertractandum mihi fumerem. Probe quidem scio, multa esse in Medicina adhuc incerta, dubia, nec satis exculta, quae ulteriori omnino disquisitione egent, et diligenti atque attento veritatum ac phaenomenorum perscrutatori observatorique quotidie obvenire res, literis mandandis memoriaeque tradendis dignissimas. Sed haec omnia Viros requirunt in arte versatissimos atque exercitatissimos. Quid autem juvenis, occasione





obſervationes et experimenta inſtituendi fere deſtitutus, quid tyro medicus in detegendis aut ſatis corroborandis veritatibus valeat? Et ſi noui aliquid detexiſſe quoque, aut a theoria praeſtantiffimorum virorum ipſi recedendum fuiſſe crediderit, numne nimia conabitur, loco ſpeciminis mox ea proponere. Expeditius ſane foret ac facilius, rem aliquam ad forum medicum ſpectantem ſatis ab Autoribus exaratam tritamue repetere, in formam aliqualem redigere et amplis citationibus exornare. Sed crambem non bis terue ſed pluries iam coctam iterum velle recoquere, de eo quam maxime ſemper alienus fui. Ergo, quum prae caeteris veritates physiologicae in deliciis mihi ſemper fuerint, cumque irritabilitatem fibrarum muscularium ſaepe cogitationibus meis ſim perſecutus et, quae de viſ huius cauſſis ab Autoribus propoſita habentur, animo meo mecum voluerim; liceat iam pauca quaedam circa hanc rem cogitata in medium proferre. Saltem thema me elegiſſe arbitror, maiori nouitatis ſpecie quod ſe commendat, quam ſi practicum quoddam, ad morbi cuiusdam curationem quod ſpectet, ſtylo proluxiori conſignauerim. Placidae igitur lectoris beneuoli diſquiſitioni qualiacunque haec cogitata mea iam committo, perſuaſum caeterum mihi habens, condonatum facile iri mihi, ſi circa ſententias quasdam, a praeſtantiffimis Viris, nunquam

fatis



fatis laudibus celebrandis summaque certe veneratione prosequendis prolatas, dubia quaedam adhucdum moveri posse putaverim.

---

§. I.

*Instituti ratio.*

**I**nter varias eas vires, quibus ad actiones officiaque sua in conseruationem, perfectionem ac commoditatem vitae subeunda a sapientissimo Creatore instructum est corpus nostrum, summam quendam prae caeteris locum sibi vindicat singularis illa quarundam partium, fibris imprimis muscularibus donatarum, proprietas, qua, si a quocunque stimulo, ab aere, aqua, igne, acri mechanico, chemico, torrente electrico aliisque irritantur et afficiuntur, in viuo et in nuper extincto etiam animale viuide, alternis plerumque oscillationibus et iterato aliquoties motu crispando sese contrahunt et relaxantur. Haec, ab omni alia corporum detecta vi diuersa, nostris imprimis temporibus curatius obseruata, haecenus noua dicenda, ab Illustr. HALLERO, Physiologorum saeculi nostri fere principe, praesertim diligentius inuestigata vis, quum ab irritatione quacunque ad agendum excitetur, *Vis irritabilis* it. *irritabilitatis* nomine est designata, et, copiosis obseruationibus et experimentis confirmata, vt princeps paene fons causaque plurimorum in corpore animali suboriundorum motuum ab omnibus fere nostri aevi Physiologis stabilita recipitur ac declarata. Quodsi vero de propria huius potestatis sede ac causa quaestio moueatur,



an scilicet ista fibris muscularibus, quibus inhabitat, sit innata et in ipsarum structura quaerenda, an aliunde potius ad eas accedat? non ita inter se conuenire videmus Physiologiae doctores, vt aliqualis adhuc in eorum scriptis dissensus non obtineat. Quam itaque dubiam quaestionem, pro ingenio nostro ac viribus, quoad in re obscura fieri possit, praesenti hoc nobis edendo specimine breuiter examinare et qualescunque circa illam cogitationes nostras declarare decreuimus.

§. II.

*De fibris muscularibus earumque structura anatomica quaedam.*

Vt autem, causam dictae potestatis inuestigaturi, eo rectius, quod sequamur, tractationis nostrae filum ducamus, licitum sit pauca quaedam ex anatomicis de fibris muscularibus earumque cognita structura praemittere, tum, quae de vi contractili & praesertim de irritabilitate illarum per obseruationes & experimenta euicta habemus, breuiter repetere. Quod ad primum itaque adtinet, fibras musculosas cum Anatomicis fila ista dicimus longa, cylindrica, sibi parallela, cum elatere mollia, in animalibus calidi sanguinis rubra, e quibus carnes istae, quas musculos vocamus vel membranas musculares, maximam saltem quoad partem, sunt compositae & in quibus natura irritabilis inprimis obtinet. De his, vt per Anatomiam & Physiologiam cognita, supponimus; quamcunque eiusmodi fibram visu conspicuam ex similibus, semper minoribus, eodem modo esse compositam, ac & maioribus integer coalescit musculus; has iterum iterumque in similia fila, sed semper minora posse resolui eamque diuisionem ad incredibilem usque subtilitatem, omnem visus aciem fugientem, procedere; fibras has,

et



et maiores & minores & minimas, ope telae cellulosae cum mobilitate esse coniunctas; in hac cellulosa diuidi arterias venasque, musculos & fibrarum muscularium fasciculos, quae adeunt, vltimis suis surculis conspicuis in rete intricas; has arterias sanguinem fibris adferre, vaporem & adipem, a venis iterum resorbendam, in cellulosa effundere, caeterum incerti finis in minima fibra esse, in qua euanescent; nervos etiam copiosos ad musculos eorumque fibras venire, in iis ramulis suis diuidi, et quamvis ob mollitiem suam non quidem valde longe persequi se sinant, tamen, quantum e variis experimentis rite concludere licet, ad minima usque fila peruenire; fila autem haec minima non ipsos esse nervos, cum naturam irritabilem habeant, qua nerui destituantur; nec cauas esse fibrillas minimas, quas sanguis vel liquor nerveus a voluntate incitatus repleat, certa fide demonstrari posse; sed praeter minima fila, ad visum solida, cellulosa tela connexa, nil quoad intimiorem structuram fibrae in ea dari cognoscere; hinc, quae de vesiculari, catenulata, rhomboidea, aliaque caua fibrarum muscularium fabrica excogitata habeantur, ad hypotheses & figmenta pertinere, quae Anatome plane refutet. (a)

### §. III.

*Vis contractilis fibrarum muscularium; irritabilitas; eius phaenomena.*

In his nunc fibris filisque residet vis irritabilis. Sed non vnica eadem est, qua fibrae irritabiles se contrahunt, vis. Quare, quomodo ab alia differat, quid prium sibi habeat, quibus

(a) vid. vltimus HALLER. Element. Physiologiae. Tom. IV. Lib. IX, Sect. I. EIUSD. prim. lin. n. 394 sqq. BOERHAVE Instit. n. 393 sequ.





quibus phaenomenis in agendo se manifestet, paucis attingamus verbis. Duplicem ergo generatim vim contractilem statuimus, fibris nostris quae competat. Altera harum illa est, qua continuo conatu in eam, quam vnquam attingere possunt, breuitatem nituntur, non in istis solis, sed in quacunque fibra animali flexili elastica, molli pariter ac dura, nec non in vegetabili, glutine ex iis educto, inque minerali etiam quodammodo regno, reperiunda. Lentius haec agit ac perpetuo, remanet post mortem, a siccata penitus fibra haud deest, nec nisi cum plenaria fere elementorum disiunctione euanescit; alacrius tamen efficacem se praebet, vbi tensa fuerit fibra et caussa eam extendens remiserit, item dum animal viuit et praesto magis sunt fluida distendentia. *Physicam* eam adpellauerunt *vim*, cum in reliquis, praeter animale, naturae regnis etiam reperiatur; *mortuam* et *elasticam* Ill. HALLERVS dixit, quippe in mortua animali fibra adhucdum reliquam, inque tensis iisdem et maiori, prae caeteris, gradu elasticis euidentius adparituram; hancque generatim non nisi e nisu elementorum fibram componentium, a Creatore ipsis indito, esse deriuandam, quo quamprimum se contingunt, fortius sese inuicem adtrahunt, firmitusque cohaerere conantur, caeterum, cum leges contractionis reliquorum corporum elasticorum sequatur, communem cum horum vi contractili caussam, a Physicis ulterius enodandam, agnoscere, omnes, quantum scimus, Physiologi affirmant. Altera autem virium dictarum ea est, *irritabilitatem* quam vocauimus, *Vitalem* etiam *vim* dixerunt (b), vel *uiuam*, sed minus apto, vt nobis videtur, nomine, cum a

vi

(b) GAUB. Pathol. GORTER de motu vitali.




vi sentiente, quae vitalis quoque est, bene sit distinguenda. Propria haec fere fibris est muscularibus, saltem in iis tantum eidentius conspicua, multisque aliis a priore differt modis. Cum morte enim fere evanescit; aliquamdiu tamen, sed non diutius certe, quam humida adhucdum est fibra et penitus nondum refriguit, certo quodam gradu, et in dissectis quoque in frustula musculis, supermanet, nullo opere dein, integra licet manente fibra in ea reuocanda: viuendo, ut diximus (§. I.), velociori et tremulo quodam, aliquoties repetito plerisque in exemplis, motu, nec fere, nisi ab irritamento quodam excitata, efficacem se praebet; non lente adeo, ut prior, agit, nec ita perpetuo; et a quocunque demum stimulo paullo fortiori, siue foris, siue intus admoto, in actum ciatur. Quae singularis viuarum et musculosarum inprimis partium vis, quo propius ad forum medicum spectat, eo magis ingenia Physiologorum exercuit, ut rationem intelligant, qua simplicissimae fabricae carnes (§. II.) eam exhibeant.

*Scholion I.*

Quando paragrapho praecedenti diximus, vim irritabilem propriam *fere* esse fibris muscularibus etc. consulto hoc vocabulum adjecimus. Non enim putamus, ita propriam dictis fibris hanc esse facultatem, ut ab omnibus reliquis corporis animalis partibus penitus sit exclusa. Sed potius, variis rationibus, ut ex infra dicendis patebit, permoti credimus cum Illustr. GAUBIO (c), *vitam* quoque hanc vim qui vocat, per totum paene corpus viuum eam esse diffusam, quanquam in partibus, musculari structura quae gaudent, longe eidentior adsit et efficacior.

(c) Pathol. n. 175.





*Scholion II.*

Duplicem etiam §pho praecedenti vim tantum adsumimus, qua fibrae musculares in agendo se contrahant. Triplicem quidem Perill. HALLERUS statuit (d), primo scilicet, quam diximus, *mortuam*, dein *irritabilem*, qua muscoli ad irritamenta quaevis, fibris eorum admota, tum in vita, v. g. cor a sanguine, intestina a contentis, ut ab aere etc. tum aliquamdiu post mortem, se contrahant, quae a nervis eorumque liquido minime dependeat, sed fibris muscularibus quasi innata infideat; hinc *insitam* etiam vocandam; tertiam autem *neruosam*, per nervos utique fibris quae accedat, easque, dum priori quasi super addatur, contrahi faciat, dum vel illis aut in origine, quam in cerebro habent medullaue spinali, aut in progressu ad musculos irritatis, vel ex voluntatis imperio, vel et sine eo, occasione natorum in anima adfectuum, abundantius celeriusve adferatur. Sed, cum nos, pace huius Celeb. Viri, irritabilem eam fibrarum muscularium naturam, qua stimulo cuius obediens se contrahant, a nervis eorumque liquido utique illis accedere demonstraturi sumus, nec aliter ideo, quas Perillustr. Vir separavit, vires differre putemus, quam quod illa sit vis irritabilis excitata per stimulum fibris ipsis admotum, haec autem eadem vis per stimulum in nervorum origine aut ad musculos progressu praesentem excitata; itaque duplicem tantum vim fibrarum contractilem adsumendam esse arbitrati sumus.

§. IV.

(d) Elem. Phys. Tom. IV. lib. XI. Sect. II. prim. lin. n. 392. Oper. minor. Tom. I. p. 371.



§. IV.

*De ratione Irritabilitatis generatim.*

His itaque praemissis, ad id iam accedimus, quod inquirendum nobis proposuimus. Quando enim ratio mirabilis eius potestatis examinanda venit, generatim quidem affirmari posset, fortiozem hic etiam, vt de vi mortua diximus (§. III), subesse elementorum sese adtrahendi nisum, cuius forté maior ac viuuior tantum gradus hic obtineat, praesertim stimulus si accesserit. Sed cum haec immediatam tantum et nimis generalem huius facultatis sistat causam, quae certe nondum satisfaciat differentiae intelligendae, inter contractionem ex irritabilitate et ex vi mortua quae intercedat; specialior quidem, quamvis remotior, vis illius quaesita est ratio, ea nempe conditio, quae nifus istius maioris existat causa et fibram viuam, ac muscularem inprimis, ita aptam reddat, vt viuuiorem illam contractionem stimulo cuicunque obediens exerceat, quaeque a morte fugax dispereat. Duae autem in genere hic occurrunt Autorum opiniones. Quidam enim, quum viderint, arteriis ad musculum euntibus ligatis, compressis, discissis, sensim languescere vim eorum viuam, contractilem, a nervis vero ita mutatis cito perire eandem et redire vicissim, vinculo vel comprimente quocunque sublato; cumque praeterea cognouerint, ab vtrisque horum, vt certe videtur, varii generis fluida fibris muscularibus adferri, his aliisque rationibus permoti suspicandi occasionem arripuerunt, an etiam fibrae musculares vim irritabilem in semet ipsis habeant, annon potius ea subtili cuidam materiae debeatur, ad fibras eas aliunde accedenti? Alii





contra, variis quoque argumentis innixi, in fibra ipsa, qua tali, vim irritabilem eiusque rationem quaerendam potius esse, sibi persuasos habent, et, si etiam non negent, musciculum a materie quadam tenui, aliunde, v. g. per nervos, adueniente vim quandam nancisci, qua in agendo se contrahat, hanc tamen (vti sententia est ILLUSTR. HALLERI) ab alia quadam cuius in fibra ipsa, qua tali, quaerenda sit ratio, cui illa, quando simul agat, quasi superaddatur tantum, quaeque proprie *irritabilitas* s. vis insita dici mereatur, separandam esse putant, quamuis vtraque iisdem fere phaenomenis, dum operatur, conspicuam se reddat. Facile autem adparet, ex his duabus opinionibus denuo emergere, quae inter se differant. Itaque, vt illam eruamus, quae prae caeteris probabilior videatur nobis, eam iam generatim quaestionem proposuimus; an nimirum fibrae musculares vim irritabilem eiusque rationem in semet ipsis habeant, vt iis quasi innata inhaereat; an potius aliunde ad eas accedat? Aut enim alterutrum horum aut vtrumque vt locum habeat, necesse est. Id autem specialius disquisituri fatemur quidem, in tanta fibrae ultimae muscularis subtilitate, quæ vel plane sensus nostros fugiat, nil fere nisi hypothesibus dari locum, nec quodcunque etiam adsumamus, plenam inde contractionis musculosae explanationem deduci vnquam posse. At iuuabit tamen, curatius in vis hujus rationem inquirere; saltim, vt cognitio et diiudicatio morborum ex irritabilitate aucta vel imminuta profluentium, quoad fieri possit, certior euadat ac perfectior.




## §. V.

*An fibrae musculari innata inhaereat? An in elementis quaerenda?*

Si, quod primum ergo iam inquiremus, fibra muscularis, qualis est exstructa, vim irritabilem quasi innatam in se habeat, ut scilicet aliunde accedentis cujuspian haud egeat, quod eam hac facultate imbuat, quoque absente haec dispereat; tunc ea vel in partibus fibrarum constitutivis s. elementis horumque natura erit quaerenda, vel eorum in proportionem, compositionem et mixtione, indeque enata fibrae muscularis structura; vel in horum vtrisque. Et videri quidem primo intuitu posset, optime facturos esse, ea via qui inceserint, qua in fibra ipsa, qua tali, vim illam quaesiverint; cum, quae corporibus insit, proprietas, ni vnice, maxima saltem ex parte, peti inde debeat ac cognosci. Sed ulterius examinandum id erit. De elementis ergo primum. Merito autem distinctionem hic facimus inter talia illorum, in quae vel facili negotio fibra muscularis discedit, *proxima* quae vocare iam volumus, et inter ista, quae operosior, v. c. chemica analysi ex iis demum educit, *remota* potius vocanda. Haec, uti Chemia nos docet, terra sunt, sal, aqua et oleum s. inflammabile principium, nisi et ipsum ignem et aerem referre huc velis. Ast absolum, primo iudicamus, fore ac temerarium, inque nimiam subtilitatem immerfos nos iri, in hisce fibrarum elementis vim irritabilem ponere exque iis explicare, si tentare vellemus, cum perpaucum sit, quod de propria eorum natura intimius perspectum habeamus, et explanationi quod inferuiat. Dein vero omnibus corporis nostri partibus solidis elementa haec insunt, et, siue in partibus irritabilibus,





tabilibus, siue in non irritabilibus haereant, vtrabique eiusdem fere, nec differentis certe reperiuntur naturæ, hinc ratio non appareret, cur idem hoc elementum, fibras musculares quod irritabiles redderet, reliquis non aequè partibus vim istam impertiat. A morte præterea supersunt eadem nec mutari admodum videntur. Quare his ulterius inuestigandis iam supersedemus, et eo magis, cum non in his adeo, quam in istis potius elementis, proxima quæ diximus, vim irritabilem quaerant. Ea autem quod adtinet, duplicis hæc, vti in Physiologicis docetur, sunt generis. Alterum solidum est, siccum, terræ maxime particeps, quare et *terreum*, item *terra* simpliciter nominatur. Alterum autem fluidius est, at tenax tamen et viscidulum, aqua et oleo maxime constans, cui modica tamen et salis et terræ quantitas sit immixta. Hoc *gluten* est, quo si orbata fuerit fibra, priores terreæ partes non amplius cohaerescunt. De his autem eadem fere, quæ de prioribus, valebunt. Sed accuratius disquirere hoc oportet.

#### §. VI.

##### *An in terra?*

Breuitè tantum hanc quæstionem tangimus. Iterum enim in glutine potius, quam in hoc elemento sedes ac ratio irritabilitatis quaesita est. Ergo dici quidem posset, terram, vti ex physicis chemicisque sit notum, omnis cohaesionis quasi basin constituere ac fundamentum; nunc vero irritabilitatem maxime consistere videri in maiori et viuiddiori partium fibrae cohaerendi nisu; sequi itaque, in terreis partibus illam præcipue esse quaerendam. Sed, quomodocunque hæc etiam se habeant,



habeant, praesto tamen sunt, quae opponuntur. Non enim in duris partibus v. c. ossibus, tendinibus etc. irritabilitas observatur, quae tamen terrae plurimum habent; sed mollities tantum fibrae muscularis vi irritabili fauet, qua deperdita, fibraque ficcata, vis illa potius evanescit; quod contra omnino fieri deberet, vera si esset hypothesis. Dein terra mere passivum tantum est elementum et iners, lente in cohaesionem cum sui similibus nitens, non adeo tantis, et celerrimis quidem, motibus, actiuius principium qui supponant, perficiendis aptum. Denique, quamvis etiam basin cohaesionis partes istae constituent, quae firmitatem solidis corporibus conciliet; et quamvis etiam concedamus, terreas alioquin partes per se posse cohaerere, ut scilicet aliena interposita materie opus non habeant, in corpore animali tamen, cuius partes indomabilem firmitatem non nactae sunt, et certe in fibris mollibus, quales sunt musculares, non nisi interuentu fluidae cuiusdam materiei cohaerescunt.


#### §. VII.

*An in glutine? Argumenta pro hac sententia.*

An ergo in glutine potius quaerenda sit vis irritabilis? maioris iam indaginis quaestio est. In hoc enim elemento Perill. praesertim HALLERUS eam ponit (e). Eo autem potissimum redeunt argumenta, in huius thesisi demonstrationem prolata. Supponitur nimirum primo, in elementis fibrarum quaerendam esse vim irritabilem, quae vel ad maiorem tantum gradum euecta existat vis cohaerentiae seu contractilis mortua. Ergo, aut in terra quaerendam eam esse aut in glutine, concluditur. Nunc vero terreas partes, ut experimenta doceant, per se non  
cohae-

(e) Elem. Phys. Tom. IV. lib. XI. Sect. II. §. XII.





cohaerere, inducitur, nec motum edere contractilem, sed tum tantum id fieri, quando gluten interpositum habeant; hoc autem e fibris eductum per se iam cohaerere, et tractum vim contractilem cum motu quodam tremulo edere; fibras glutine orbatas vim contractilem potius amittere, eo autem iterum inebriatas istam denuo recuperare. Adducitur porro, molliores corporis animalis partes esse et multo glutine constare, quae irritabilitatem sint nactae, duriores, ut ossa, dentes, tendines, in quibus gluten ita non abundet, ea vi destitui; animalia, quo iuniora existant, eo esse irritabiliora, sed eo plus etiam habere glutinis; quo adultiora, eo minus gelatinosa, at hoc facto etiam minus irritabiliora euadere; in senio, ubi blanda gelatina deficit, irritabilitatem sensim deperdi; musculos in primordiis suis totos quasi gelatinosos esse, sed tunc maxime quoque irritabiles; animalia glutinosa, ut polypos, summe esse irritabilia; porro in morbis ubi pars gelatinosa corporis aut aqua abundante nimium attenuatur, ut in hydrope, cachexia, aut nimis terreis partibus condensatur, irritabilitatem minui; a medicamentis autem gluten tenuius aquosum condensantibus blandam gelatinam restituentibus, imminutam illam recuperari.

### §. VIII.

#### *Ad ea respondetur.*

Argumenta recensuimus, quae ad hypothesein dictam demonstrandam potissimum proferuntur. Sed varia habemus, quae ad ista responderi posse putamus, et quae in eam sententiam nos transire non sinunt. Potiora autem adduxisse sufficiet. Et primo quidem, quamvis etiam in contractione viua maiorem ac in mortua generatim



neratim subesse elementorum sese adtrahendi nisum posuerimus (§.IV.); hac tamen conditione sola vim irritabilem a mortua differre, nobis persuadere non possumus, cum, quæ phaenomena propria sibi habet, vnica hæc differentia non explicet. Dein quando dicitur, gluten e fibris animalibus eductum per se cohærere, terreas partes non; hoc quidem, vt experientia euictum, concedimus. Sed non ita id intelligendum esse putamus, ac si gluten, quia corpus sit fluidius, per se cohæreat, terreæ partes, vt solidiores, cohærere per se non possint. Glutina enim, vt in Chemicis demonstratur, vnice terreis partibus, quas admixta habent, cohaesionem suam debent, cum terra omnis cohæisionis sit fundamentum. Et terreæ partes, e fibris separatæ, per se cohærescerent, nisi eductis, quæ interpositæ erant, fluidioribus partibus, vacui relictæ essent loculi, vbi puncta contactus jam deficiunt. Et glutina viscidiora, quæ plus habent terræ, v. c. ex ossibus aut tendinibus educta, magis cohærent fluidioribus, euidentiusque motum contractilem tremulum tracta edunt; non ideo partibus, quibus inhæserunt, irritabilitatem dederunt. Porro, an rite concluditur, ex mollioribus partibus, glutine copiofiore præditis, tantum esse, quæ irritabilitatem sint nactæ, et irritabiliora esse animalia juniora, molliora, quæ plus glutinis fluidioris habent, terræ minus, ergo in glutine irritabilitatem ejusque rationem quærendam esse? annon potius fallacia hac conclusione committitur, qua, quæ conjuncta tantum sunt, harum vnum pro causâ alterius precario adsumitur? Animalia quæ sunt juniora, molliora, eo etiam sensibilia existunt, & ex mollioribus quoque partibus tantum sunt, quibus sensibili-





tas inest, quæ cum duritate pariter minuitur aut evanescit. An ideo a glutine etiam, aut ab eo principio, quod mollitiem partibus præbet sensibilitate præditis, hæc proprietas deriunda erit? Similis hic certe conclusio valeret, prior si recte se haberet. Gluten præterea post mortem in fibra musculari superest, nec eo certe tempore, quo irritabilitas nunc definit, quo fibra tamen mollis adhucdum est, & humida, valde mutatum esse videtur, nisi, quod id forsan amiserit & exhalatum sit, quod fibram irritabilem antea reddiderat, ad gluten autem, quæ gluten, non pertinebat. Denique, si in glutine irritabilitas fundamentum habeat, certe non intelligitur, quare aliæ partes, ex quibus simile pariter & vel eadem, vel & majori in quantitate gluten educi potest, non dicam duriores, sed aequè molles, quibus ad similem contractionem aptitudo alias non deest, v. c. membranæ, nerui, cellulosæ telæ etc. irritabilitatem non aequè, ac fibræ musculares, obtinuerint. Medicamenta vero, quibus imminuta per morbos irritabilitas restituitur, non adeo id efficere putamus, dum gluten speciatim condensant aut attenuant, quam potius, quia vitia solidarum partium in his morbis occurrentia, v. g. laxitatem aut rigiditatem nimiam, quibus quippe viuidior contractio impeditur, corrigunt, aut liquidi tenuissimi, ad fibras quod accedat easque irritabiles reddat (vid. infra dicenda) secretionem ac motum juuant. Quibus ergo rationibus permoti in glutine, vim irritabilem quærendam esse, consentire non possumus. Mollitiem tamen fibræ muscularis, quacum gelatinositas conjuncta est, quæque flexilem & ad celeriores contractiones omnino aptiorem illam reddit, magis, quam duritiem, irritabilitati favere,




fauere, vtique concedimus. Neque etiam, si gluten tantum domicilium esse irritabilitatis, intelligatur, cui potius quam terreis partibus, id se immisceat, quod fibræ muscolari vim eam impertiat, repugnare ejusmodi sententiæ volumus.

§. IX.

*An in elementorum proportionem, mixtionem, et fibræ muscularis structura?*

Si elementa fibrarum muscularium et irritabilium rationem sufficientem irritabilitatis non continent (§. V-VIII), alia quædam sese offerre cogitatio posset, vtrum nimirum non peculiaris quædam eorum proportio ac mixtio aut compositio locum hic habeat, indeque singularis quædam emergat structura ac fabrica, quibus fibra, alias non irritabilis, nunc talis reddatur et fiat; hincque tamen in fibra solida ipsa, qua tali, irritabilitatis quærenda sit ratio? (§. V.). Subtilior certe est hypothesis, sed eo quoque cautiores, quo eam adsumamus, nos esse oportet. Ergo vtique quidem concedimus, alias atque alias corpus quoddam nancisci proprietates posse, prouti partes s. elementa, ex quibus constat, hac illaue proportionem, hoc illouem compositionis modo, iuncta sibi sint ac composita. Nec repugnamus quoque, singularem forsan obtinere fabricationem ac structuram, qua irritabilis fibra a minus irritabili diffideat, et quæ eiusmodi contractioni, qualis est viua, magis forsan quam alia faueat; cum, quæ differens in diuersis solidis sit structura, ad diuersas quoque mutationes concipiendas ea apta reddat. Sed in his vnice, vel & præcipue tantum, vis nostræ rationem ponere velle, nimium nobis videtur & experientis non consentaneum. Quis enim vnquam peculiarem





illam, & ejusmodi quidem, elementorum in fibris irritabilibus proportionem vel mixtionem demonstrauerit, quis singularem istiusmodi structuram ostenderit aut saltem excogitauerit, ut vis nostræ ratio ac phænomena, vel & obscure tantum, inde queant intelligi? Varia quidem de fibrarum muscularium fabrica passim a Celeb. Viris ficta habemus, & notæ sunt hypotheses, hic fusius non repetendæ, quibus istas vel ut vesiculares, vel ex vesicularum aut rhomborum catenulis conflatas, vel singulari modo intortas, vel alia quadam ratione fabricatas assumerunt. Sed hæ partim anatomicæ inspectioni repugnant, quæ nec cauas nec aliis ejusmodi, quales finguntur, modis exstructas fibrillas detegit (§. II.); partim, ut fatis hodie demonstratum est, phænomenis in contractione viua adparentibus explicandis non tantum non satisfaciunt, sed potius etiam repugnant: cæterum autem non tam, ut irritabilitatis rationem ac causam, quam potius ut vis ejus, quæ a voluntate muscolum contrahi faciat, celeritatem & mutationes in musculo contracto visas explicarent, quas tamen minime explicant, excogitatæ fuerunt. An vero & decet, ingeniose excogitatam & valde compositam quandam quærere velle fabricam in fibra, in qua summa visus acies non nisi simplicissimam talem detegit? Nec etiam valde iuuabit, fictitiam ejusmodi fabricam adsumere, aut singularem elementorum mixtionem supponere, ad vis hujus rationem fatis intelligendam aut mechanice chemice explicandam, cujus in agendo leges adeo a mechanicis chemicisque legibus sunt remotæ. Præterea qualiscunque etiam in fibra irritabili sit elementorum proportio aut mixtio, qualiscunque ejus structura, annon tamen & hæ quoque (vti de elementis ipsis supra dictum est) a morte fere immutatæ supersunt?



persunt? Annon nimium esset adsumtu, post eam, & illo quidem termino, quo irritabilitas nunc conquiescere incipit, adeo istas mutari, vt, si ab iis irritabilitas potissimum dependeret, inde perspicui satis queat, quomodo hæc vis, breui antea tempore, adhuc efficax quæ erat, ita nunc euanescat, vt mortua tantum supermaneat? Ita profecto mutari non videtur. Et an ideo recte in his quæritur vis irritabilis ratio sufficiens aut præcipua? Annon potius verior videtur hypothesis, ab elemento quodam perquam subtili & fluidissimo istam quæ petit, ad fibram solidam irritabilitati idoneam, quomodocunque structam, proprie non pertinente, dum vita durat continuo ad eam accedente, a morte certo quodam adhuc tempore remanente, sed sensim, ob ipsam, quam habet, subtilitatem aufugiente? Certe cum experimentis & phænomenis hæc magis consentiunt, quæ fugax & tenuissimum ejusmodi elementum requiri, suadere utique videntur. Vt taceam, fibram solidam muscularem simplicissimam nulli vnquam adhuc visam esse irritabilem, sed visu conspicuam tantum e multis simplicibus adhuc compositam, de qua fortassis, dum subtiliores illæ adhuc cohærent, tenuissimum istud principium non adeo cito effugere possit, quam quidem id fieret, si in subtilissimas fibras eam resolvere liceret, vbi citissime & vel subito forsan avolaret & auolatum omnes eas fibrillas, licet recentes adhuc & integre structas, ex satis antea irritabilibus mox jam non irritabiles redderet. Quare, si quoque peculiaris quædam structura ac compositio, licet sensibus non cognoscenda, in fibris irritabilibus obtineat, quæ minus irritabiles haud aequè gaudeant, quod utique infra adducendæ rationes vero simile reddent; tamen in ea non ratio-





nem sufficientem aut præcipuam irritabilitatis quærendam esse putamus, sed vel conditionem tantum, sine qua mobile & tenuissimum istud principium fibris structura sua ad irritabilitatem concipiendam aptis redditis vim eam impertire haud valeat.

§. X.

*An aliunde accedat?*

Quum itaque demonstratum huc vsque sit, fibris muscularibus solidis, non quasi innatam inhaerere vim irritabilem, et in iis, qua talibus, frustra huius facultatis rationem quaeri sufficientem aut præcipuam, inquirenda iam superest quaestio; an potius aliunde accedenti cuiusdam debeatur? In eam sententiam magis nos inclinare, præcedenti paragrapho iam declarauimus. Præripuimus etiam iam argumenta, quibus verosimile nobis est visum, materiem quandam subtilissimam, fluidissimam hic subesse, ad fibras musculares quæ accedat easque irritabilitate condonet. Sed fusius hæc inuestigare oportet. Licet enim præsto quidem sit eiusmodi materies, per nervos ad musculos a cerebro vel a spinali medulla quæ accedat, cum simili fere modo, ac ab irritamentis externis, musculo admotis, is contrahatur, quando aut nervi eum adeuntes in origine suo progressuue stimulo quodam afficiuntur, aut animæ imperia per ipsos ad musculum feruntur; cum tamen non omnes Physiologi in eo consentiant, contractionem, per nervos in musculo quæ producitur, ope liquidi cuiusdam subtilis in iis contenti et musculo per eos a cerebro adlati fieri; dein, cum, præter nervos, arteriæ quoque musculis quid adferant; cum multi etiam musculi (et secundum Stahlianam sectam omnes) anima iubente, eodem fere vt ab irritatione externa contrahantur




tur modo; porro, cum et ab irritamentis externis ad muscolum venire quid posse, cogitare forsan quis queat, quando ab illis hic contrahi cogitur; itaque, ut verior præ cæteris nobis visa hypothesis emergat, eo quidem ordine processuri sumus, ut nimirum primo generalem illam, verosimilem iam nobis visam sententiam; an scilicet aliunde ea accedens irritabilitatis ratio in elemento quærenda sit fluido subtilissimo? ulterius inquiramus et argumentis corroboremus; postea, an per nervos, tunc, an per arterias, dein an ab anima, vel ea iubente, porro, an etiam ab irritamentis externis musculo id adferatur, quod eum irritabilem reddat? inuestigemus; quibus ultimo denique loco nostram, quam tenemus, sententiam subiungemus.

### §. XI.

*An in elemento fluido subtilissimo sit quaerenda?*

Non iam opus erit repetere argumenta in huius coniecturæ veritatem monstrandam supra iam adlata. (§. IX.). Pauca tamen adhuc quædam his subiungamus, æque graua nobis visa. Primo enim et variæ aliæ in rerum natura reperiuntur vires, cum irritabilitate fibrarum muscularium corporis animalis multum conuenientes, quibus explicandis, cum ex structura corporum, quibus insunt, minime intelligi posse, Physici satis bene cognouerint, materiem subtilissimam, fluidissimam, nec profecto sine ratione, adsumserunt, qua eiusmodi corpus perfundatur, quaque perfusum dictas istiusmodi vires suas exerceat. Magnetica corporum quorundam vis huc pertinet, electrica autem præcipue, quippe quæ certe mobilissima ac tenuissima materie, luce sua etiam indolem eam conspicuam præbente, stupendos, quos ab ea produci videmus, effectus exercet.





cet. Et annon ignis aut lux, principium omnium subtilissimum ac mobilissimum, ad velocissimos in rerum natura motus perficiendos summa sua subtilitate non tantum ipsum est aptum, verum et alia corpora apta reddit? Præterea autem nec difficile erit reperire eiusmodi in corpore nostro elementum, dictas omnino dotes (§. IX.) quod habeat, quod continuo fibris muscularibus adferatur, quodque post mortem adhuc certo quodam gradu ac tempore in iis superesse utique queat ac conservari. Sed hæc ad ea potius pertinent, quæ nunc nobis ulterius sunt adducenda, quibus nempe demonstrabimus, per nervos certe, forte et per arterias, tale fibris accedere.

## §. XII.

*An per nervos accedat? Quod videtur.*

Per nervos, dum vita durat, causam quandam contractionis musculosæ a cerebro ad muscolum ferri, adeo hodie experimentis ac ratione euictum habemus, ut vix sint, de ea re quibus dubium quoddam adhucdum superfit. Neque ideo opus erit, fusius e physiologicis hic repetere, quæ de nervis aut in origine suo, quam in cerebro vel medulla spinali habent, aut in progressu ad musculos irritatis, quæque de compressis iisdem, ligatis resectisque notissima sunt; quippe e quibus constat, ab horum prioribus musculos, quos nervi ii adeunt, non tantum dum vita durat, verum etiam paucò quodam post mortem tempore, nec non aliquamdiu, si quoque resecti ii fuerint, vel ligati aut compressi (modo inter ligaturæ vel compressionis locum & muscolum irritatio instituatur) ad vehementes contractiones cogi, similes omnino iis, quas irritamenta fibris ipsis admo-



admota in illis alios producant; a posterioribus autem paralyticos euadere, voluntati, si voluntarii fuerint, non amplius obedire, et, ni vinculum aut causa comprimens remoueat, omnem demum ad contractionem viam suscipiendam aptitudinem, omnem irritabilitatem amittere. Eam autem motus uel contractionis causam ope liquidi cuiusdam subtilissimi per nervos musculis adferri, in cerebro a sanguine secreti, continuo inde ad fibras delati, abundantius autem aut celerius, si voluntate aut irritamentis incitetur, ad eas propulsi, de eo etiam inter plurimos physiologos iam conuenit. Quaecunque enim sint, quae in contrariam sententiam adferuntur ab iis, qui cauos esse nervos, negant, eosque potius ut mere solidos agere sibi persuadent; certe tamen argumenta praevalent affirmantium. Ergo, cum fluidum quoddam subtilissimum ac tenuissimum continuo fibris muscularibus a cerebro per nervos accedat, cum eius adfluxu intercepto omnem demum irritabilitatem illae deperdant; hae rationes, praecedentibus (§. V-XI.) praesertim iunctae, maxime certo verosimile reddere videntur, hoc elementum per nervos aduectum non tantum motus ipsos contractiles viuos in fibris muscularibus, si celerius impellitur, efficere, verum etiam continuo adfluxu suo aptitudinem iis impertire, qua a quocunque stimulo affectae edere eos valeant, hinc vi irritabili easdem imprægnare; quocunque demum modo id fiat.

§. XIII.

*Argumenta contra hanc sententiam.*

Varia autem sunt, quae sententiae mox prolatae videri possint contrariari. Mittimus iam, ab iis opponi quae queant, qui nervos mere solidos esse iisque eiusmodi liquidum plane non





inesse statuunt, facile, vt diximus (§. XII.) refutandi. Maiorem enim attentionem ea merentur argumenta, quibus euinci creditur, vim, qua fibræ musculares ad irritamenta adplicata se contrahant, minime a nervis, liquido isto quantumvis repletis, illis accedere, sed potius sine liquidi eiusmodi influxu innatam iam ipsis insidere; quare etiam magnus ille virium corporis animalis perscrutator Perill. sc. HALLERUS distinctionem supra (§. III. Scholi II.) quam diximus, faciendam esse putauit. Horum ergo quæ potiora nobis sunt visa, adducamus. Eo autem potissimum illa redeunt. Nimirum: nervos musculis, præter vim quandam sese mouendi, et sensum adferre, nunc vero vim sentiendi in diuersis musculis non in eadem ratione esse cum vi eorum, qua irritati se contrahant; sic cor e. g. maxime præ aliis musculis esse irritabile, sed minus iis sensibile, hos autem cum maiori sensibilitate minus tamen corde irritabiles, hinc præter eam mouendi vim, quam nerui eiusmodi musculis, magis in proportionem ad vim sentiendi irritabilibus v. g. cordi, adferant, aliam quandam subesse debere, quæ cum minori sensu magis irritabiles eos reddat, quæ ergo fibris muscularibus ipsis qua talibus infideat; male itaque etiam communiter sensibilitatem cum irritabilitate confundi; sentire partes, quæ non sint irritabiles, et neruum, qui acerrime sentiat, tamen non esse irritabilem; et repugnare, eum neruum, qui ipse vi irritabili non gaudeat, tamen hanc vim aliis partibus ciere: Porro musculos nec in eadem proportionem nervos accipere, qua ii sint irritabiles; cor, v. g. cum minoribus et paucioribus nervis tamen maxime esse irritabile, alios musculos cum grandioribus et numerosioribus nervis minus:




nus: ergo et ob hanc quoque rationem cordi v. g. aliam mouendi vim inesse debere, per nervos non accedentem sed fibris ipsius insitam: superesse etiam naturam irritabilem in musculis animalium, vbi nulla amplius suspicio sensus, nulla nervosi liquidi adfluentis adesse iam queat, quum commercium nervorum cum cerebro, a quo liquidum istud habeant, sit interceptum: superesse nimirum adhuc aliquamdiu post mortem animalis; et eius quoque, cui caput sit detruncatum; in musculo, cuius nervi resecti sint, ligati, compressi vel et plene iam exsiccati; imo in musculo a corpore reliquo auulso, in frustula dissecto, inque ipsis iis frustulis: in quibus omnibus quippe exemplis stimulus quicumque musculum eiusque frustula in contractionem ciere possit. Denique regnare etiam vim irritabilem et quidem accerrimam sæpe, in animalibus informibus, capite et nervis destitutis, in polypis etc. neque non aliqualem in plantis nonnullis reperiri; vbi certe nullus nervosi liquidi influxus adsit.

#### §. XIV.

##### *Ad ea Responso.*

Quomodocunque vero se habeant adducta hæc, nostræ sententiæ quæ obstare videantur, argumenta, nequaquam tamen persuadere nobis possumus, vim irritabilem fibrarum corporis nostri a nervis eorumque liquido iis non accedere, sed innatam inhærere; cum, vti demonstrauiamus, in fibrarum elementis & in eorum mixtione indeque enata fibræ structura quærat frusta (§. V-X.); cum elementum fugax tenuissimum sibi requirat (§. XI.); tale in corpore nostro per nervos accedat, hisque interceptis irritabilitas in musculo destruat (§. XII).





At enim vero nec difficilia erunt inuentu, ad ista quæ respondeantur. Quod itaque primo ad exempla adtinet de polypis & informibus cæterum animalibus, minime nobis videtur sequi, quia hæc animalia cerebro & neruis talibus, vt nos & reliqua animalia, non sint prædita, ideo etiam vim irritabilem eorum non posse deberi tenui materie, nostro liquido nerueo haud plane dissimili. Numne natura & in iis sine ejusmodi, quem nos habemus, apparatu cerebri & succis, quibus nutriuntur, similis liquidi secretionem perficere possit? aut simili modo subtilissimum tale principium iis impertire, quo electricis corporibus electricam, magneticis materiam magneticam impertiat? Et an ideo rite se habeat facta inde ad sententiam nostram impugnandam, conclusio? Et eadem hæc quoque ad ista respondemus, quæ de plantis irritabilibus objiciuntur. Quæ dein de vi irritabili post mortem, & ligatis, resectis, exsiccatis neruis in musculis superstitibus, & in reuulsis quoque de corpore, & in eorum frustulis, vbi scilicet sublatum sit omne cum cerebro commercium, adducuntur, nil aliud demonstrant, nisi quod antea secreto & ad musculos tales eorumque portiones delato liquido nerueo nouum tale succedere non amplius queat; sed, quod id liquidum neruosum, quod ante ligaturam neruorum, ante auulsionem aut dissectionem musculi ei erat aduectum, non per tempus quoddam adhuc efficax existere possit, sine quod noui ejusmodi accessu egeat, hoc certe minime probant. Hoc autem si non probant, minime hypotheseos nostram infirmant. Sed efficacem adhuc in mouendo per tempus quoddam esse nerueum spiritum, quando nouus talis a cerebro non amplius succedit, pericula monstrant, vbi & resecti  
nerui




nerui cujusdam irritationem sequitur musculi, quem adit, contractio: et tantum quidem abest, vt eadem hæc experimenta hypothefin nostram infringant, vt potius confirment; cum intercepto hoc noui liquidi neruei adfluxu irritabilitas conseruari non diu queat sed disperire demum debeat, eo, quod reliquum erat, euaporato. Hinc & superesse aliquamdiu potest, neruis, qui musculum adeunt, licet exsiccatis; modo vltimi ramuli, fibras proxime adeuntes, siccati nondum sint.

§. XV.

*Vltcrius respondetur?*

Porro, quod reliqua (§. XIII.) adducta argumenta concernit, vtique quidem largimur, sensibilitatem minime confundendam esse cum irritabilitate, cum diuersæ omnino sint vires. Confunderentur, si affirmaretur, esse easdem, vel poneretur, necessario esse debere conjunctas. Hoc enim experientiæ contradiceret, cum nervus sentiat solummodo, qui tamen non sit irritabilis. Minime autem confunduntur, si dicitur, conjunctas esse *posse*. Junctæ enim sibi sunt in musculo; qui, cum irritabilitate gaudeat, semper & sensibilitatem quandam habeat, quamuis vtramque non in eadem ratione; vbi enim eam habere negatur, ibi id de manifestiori tantum sensu intelligendum esse putamus. Neque certe repugnat, eundem neruum, qui sensum partibus tribuat, irritabilitatem etiam ipsis impertire posse, quamuis non ipse sit irritabilis; quemadmodum e. g. quoque non repugnat, liquidum nerueum, a sanguine secretum, neruis sensibilitatem tribuere posse, dum iis vehitur, quamuis idem istud liquidum, dum ante secretionem adhuc in sanguine hæret, ipsum non sensibilitatem habeat. Sensum au-





tem, & maiorem quidem, parti cuidam tribuet tantum, si ea pars non gaudeat tali structura, qua irritabilis simul fieri queat; nec nervos nimium tectos habeat, cum sensu vero, licet sæpe, magis nempe tectis nervis, minori, simul irritabilem naturam conciliabit, si talis pars fibras habet ad eam concipiendam idoneas, quales forte sint musculares. Certam enim in his fibris verosimiliter subesse structuram, qua irritabiles fieri queant a liquido nerveo imprægnatae, supra (§. IX.) non negauimus; quamuis in ea structura non rationem sufficientem irritabilitatis posuerimus nec præcipuam. Neque etiam adeo hinc difficile erit explicatu, qui fieri possit, ut, si a nervis eorumque liquido, sensum adferentibus, vis irritabilis quoque fibris accedat, tamen muscoli in eadem ratione non sint sensibiles, qua irritabiles existant. Sensibilitas enim & numerum sequitur nervorum & eorum nuditatem, irritabilitas potius numerum fibrarum musculosarum, irritabilitati concipiendæ magis idonearum: Hinc, in exemplo, cor ab iisdem nervis magis præ aliis musculis irritabile reddi potest, minus iis sensibile; hi corde sensibiliores, sed minus irritabiles. His enim sub eodem volumine minor numerus fibrarum est muscularium, cellulosa autem laxior & abundantior, in qua nervi, copiosius etiam aduenientes, nudiores sunt & minus fibris istis irretiti. In corde autem, ut densiore musculo, major pro portione ad alios musculos est numerus fibrarum muscularium, irritabilitati concipiendæ magis idonearum, parcior & breuior cellulosa, in qua nervi, non ita quoque copiose aduenientes, non tam nudi jacent, sed magis fibris muscularibus immixti. Hinc etiam ad eam objectionem responderi potest, qua ratione nimirum



mirum, si a nervis fibræ musculares irritabilitatem habeant, cor tamen cum minoribus & paucioribus nervis magis irritabile sit aliis musculis, hos cum grandioribus & numerosioribus minus. Ea scilicet, quod nempe nervi cordis, licet pauciores, tamen omnes fere adhibeantur fibris muscularibus, artius cæteroquin pro portione ad alios musculos sibi junctis, vi irritabili imprægnandis, aliorum autem musculorum nervi, quantumvis numerosiores, tamen non omnes huic fini, sed magna ex parte, ceu nudiores, inter laxius sibi connexas fibras decurrentes, sensui toti parti conciliando impendantur, qui cordi sit minor.

#### §. XVI.

*Per nervos accedere, ulterius probabile redditur.*

Itaque, hypothesein nostram argumentis contra eam adlatis (§. XIII.) non infringi, probavimus. Sed alia adhuc quædam sunt, quibus ea confirmari videtur. Primò enim et ea musculorum contractio, quam Perill. HALLERUS e vi ista deducit, quam proprie *irritabilem* s. *insitam* vocari mavult, et illa, quam e *nervosa*, ut eam vocat, derivat, similibus fere, experientia teste, se conspicuas reddunt phænomenis. Similem ergo causam, simile principium agnoscere, probabile est. Quodsi ergo posterior fibris muscularibus a nervis accedere statuatur, quare et non prior? Et hinc quoque, quas Perill. Vir. separavit, facultates, vix aliter differe putavimus, quam diximus. (Schol. II. ad §. II.) Præterea autem vim sentiendi, quæ a nervis certe est, in eadem fere ratione coniunctam esse in animalibus cum vi irritabili reperimur, (si nempe integra animalia, non musculos solos spectes). Hinc ex hoc coniectu-





rari iam posset, idem vel simile sibi principium requiri. Hinc animalia, quo iuniora, eo sensibilia existunt, sed eo magis quoque sunt irritabilia; hinc in senio, occallescentibus nervis, sensibilitas fere deperditur sed eo ipso etiam irritabilitas; hinc morbi, quæ sensibilitatem totius corporis minuunt, minuunt et irritabilitatem, ut plura taceam. Quamvis enim hæc ita firma non esse concedimus, ut hypothesein satis probare valeant, tamen firmiora ea, quæ iam protulimus, argumenta illustrant et hinc ulterius confirmant.

### §. XVII.

#### *An per arterias.*


Arteriæ cum sanguinem muscularibus fibris adferant, ex quo adeps ac vapor molliens secernatur, fibris, ut flexiles conferuentur, circumfusus, (§. II); quæri etiam iam posset, numne et cum hoc sanguine quid adferatur, quod irritabilitatem ipsis conciliet. Neque etiam defuerunt, quorum circa musculorum contractionem sententiæ vel eo inclinare videntur, ut a sanguine ipso ad fibras delato irritabilitatem dependere affirmarent. Notum est enim, communem fere consensum olim in scholis receptum fuisse, sanguinis arteriosi ad musculos eorumque fibras adfluxum non minus necessario requiri, ut contractionem, quæ ipsis competat, viam exerceri possint, quam quidem nervi liquidi accessum; et eas præcipue quidem ob rationes; alteram, qua rubedinem ad essentialia fibræ muscularis pertinere credebatur, alteram autem, qua arteriis ad musculum quendam euntibus ligatis, discissis, compressis etc. vim eius viam contractilem eodem modo deperdi, ac a nervis similiter mutatis id fieret, credebatur: hincque cum simul,

causas



cauas esse fibrillas, receptum a plerisque horum fuerit, aut sanguine plenas, variæ inde enatæ sunt hypothefes, quibus explicaretur, qua ratione, stimulo admoto, aut a sanguine solo, aut a sanguine et liquido nerueo simul, sibi quippe commixtis aut inter se ebullientibus etc., ita nunc mutaretur fibra, ut cum iis, quæ in contractione viua adpareant, phænomenis contrahere se posset, siue irritabilis euaderet. Mittimus iam varias hæc hypothefes, quippe satis hodie iam refutatas. Quod si enim cogitemus; cauas vel sanguine plenas esse fibras musculares, contra anatomen repugnare, quæ eas solidas potius et tam exiles demonstrat, ut multoties globulo sanguineo sint minores; ruborem fibræ muscularis aut irritabilis nequaquam ad eius essentialia pertinere, abesse eum a testacearum animalium genere, a fibris iridis etc. imo a fibra omni, postquam sanguis est elotus; hinc, quem ruborem habent, eum non a sanguine fibræ proxime adlato deriuandum esse, sed a vasis rubris tantum fibræ circumpositis; denique, arteriam musculi cuiusdam dissectam, ligatam etc. non ita cito sequi eius musculi paralyfin, ut a nervis dissectis etc. id sit, sed lente tantum et fere eo demum tempore, quo musculus ob defectum nutrimenti contabuerit: hæc, inquam, si cogitemus, non tantum facile videmus, a sanguine rubro ipso, fibris adlato, irritabilitatem iis non accedere; sed si etiam poneretur, ab hoc sanguine fortassis eodem modo, ac in cerebro nerueus separetur liquor, analogum fluidum tenue hic secerni fibrisque accedere posse, quod scilicet irritabilitatem saltem iuuet; eiusmodi coniecturæ non quidem plane contradicere vellemus; sed tunc tamen, hoc liquidum minima tantum in quantitate secerni, hinc non valde





in censum venire posse, arteriarum ligatarum mox dicta phænomena demonstrarent.

§. XVIII.

*An ab anima?*

Liceat, paucis verbis hanc quæstionem attingere, ad sententiam illam quæ pertinet, quam Stahlianæ secta fouet. Hæc enim, nullum in rerum natura a corpore motum proficisci, statuens, ab anima omnes quoque in corpore nostro motus derivat, ab ipso corpore nullos. Animam ergo corpus suum in utero materno sibi struere contendit, id conformare, dein conservare et omnes in eo motus ad vitam quam diutissime integram servandam, morbosque et mortem auertendam generare, gubernare ac regere, licet non omnis eius operis voluntas sibi sit conscia: et hinc, si stimulus quidam musculum affecerit, contractionem eius inde sequuturam non etiam nisi ab anima proficisci, nilque aliud esse, nisi animæ stimuli impatientis tutelam, qua, quæ corpus suum lædere valeant, quam citissime amoveat. Quare secundum hanc sententiam vis irritabilis ratio non tam in structura fibræ muscularis, aut in alio corporeo quodam ad eam accedente, quam potius in anima intelligente, sapiente, iussa sua ad fines obtinendos, quomodocunque id fiat, ad fibram mittente eamque hoc ipso irritabilem reddente, esset quærenda. Quod vero eam opinionem adtinet, non opus erit, fusius adducere, quomodo passim iterum inter se differant, qui generationi eidem sunt addicti, nec plurima illa argumenta colligere, quibus hypothesis ista variis modis infringi quam facillime queat. Superstes enim post mortem animalis irritabilitas, superstes in musculo a corpore avulso, in frustula dissecto, ubi certe nulla animæ adhuc præsentis suspicio obtinet, satis superque



que jam demonstrat, quam parum firmo ea innitatur fundamento.

§. XIX.

*An ab irritamentis externis?*

Cum a quibuscunque irritamentis fibris muscularibus foris admotis vis irritabilis ad agendum cieatur (§. I-III.), quorum tanta fit diuersitas, & quorum innumera certe ejusmodi elemento subtili fibram muscularem imbuere nequaquam possint quale ad eam irritabilem reddendam requiri supra (§. XI.) probabile reddidimus, haud facile de eo cogitaturum esse quendam arbitramur, quo in horum effluuiis fibræ accedentibus vis istius causam ponere vellet, & id eo minus quidem, cum, sine ejusmodi fibris adplicato irritamento externo, a solo liquore nerueo, celerius abundantiusue vi voluntatis vel stimulorum neruis adplicatorum, vis irritabilis viuidissime conspicuam ferredat. At tamen non adeo absolum videtur, adsumere, quædam eorum irritamentorum, quæ scilicet copioso quadam materie tenuissima, liquido neruoso, quamuis non perfecte simili, tamen quodammodo analoga, sint repleta, vim irritabilem, a neruis fibris jam donatam, aliquantulum adaugere & viuidiorem reddere possint. Electricæ forte scintillæ huc pertinent. Conjecturam tantummodo esse fatemur. Sed annon hanc conjecturam experimenta probabilem reddant, quibus constat, corpora electrica aliis non electricis similem electricitatem impertire posse, corpora animalium sæpe aut diu machinæ electricæ admotæ irritabiliora reddi, & irritabilitatem per morbos imminutam vi electrica iterum adaugeri posse?

§. XX.

*An irritabilitas latius pateat fibris muscularibus rubris?*

Priusquam tractationi nostræ finem imponamus, alia quædam



dam adhuc nobis sese offert speculatio, paucissimis tantum verbis adhuc attingenda. Cum enim posuerimus, fibras corporis nostri musculares vim suam irritabilem a nerueo liquido ad eas continuo accedente potissimum obtinere, licet forte peculiaris quædam structura quodammodo concurrat, fibris muscularibus magis, quam cæteris, quæ faueat: quæstio jam moueri hic posset, annon his positis idem liquidum nerueum alias etiam, præter musculares rubras, quas descripsimus (§. II.), fibras, si ad eas accedat, vi irritabili, quamuis non adeo conspicua imbuere queat, modo ejusmodi fibræ flexiles & contractiles & structura quadam gaudeant, ei, quam rubræ musculares habeant, non tantum plane absimili; hinc irritabilitas latius pateat fibris muscularibus rubris? Quod itaque ad hanc conjecturam, utique ea probabilis nobis videtur, cum experimentis & obseruationibus omnino conueniat. Irritabilitatem enim ad fibras musculares rubras non solummodo esse transferendam, vel insecta crustacea, polypi & ipsa fibra muscularis, qualis eloto sanguine conspicitur, docere possunt, in quibus quippe omnibus albus potius color adparet. Sed alias etiam in nostro corpore præter musculos partes adesse, experientia euictum habemus, in quarum plurimis non adeo obscura, in nonnullis autem satis euidens sæpe se manifestet irritabilitas, et in, quibus, solertissima quantumuis adhibita inuestigatione, tamen fibrarum muscularium nihil, nil vnquam structuræ musculosæ detegi ab Anatomicis potuit. Ita iris a luce constringitur euidentissime; & cutis a terrore vi irritabili contrahitur, & a libidine aut titillatione scrotum. Viuidissima contractione semen ejiciunt irritatæ feminales vesiculæ: & sinus mucosi & vasa ex-

halantia



halantia inhalantiaque vim irritabilem, ab acri quocunque præfertim tacta, haud adeo obscure ostendunt; neque a viis biliariis eandem abesse, icterus ab adfectibus spasmodicis natus et, quæ iram sequuntur, symptomata suadere videntur: & tamen in his omnibus partibus nil musculosi certa fide, hucusque innotuit: vt taceam, & arteriarum & vel minimarum quoque, contractiones in inflammatoriis morbis, in spasmodicis, & ab adfectibus animi grauioribus, multum, quam a morte, euidentiores, horum quoque vasorum irritabilitatem quandam suadere.

§. XXI.

*Sententia nostra de irritabilitate generatim. Conjectura.*

Ex his itaque hucusque adductis patebit, eo potissimum quidem generatim redire nostram, quam de irritabilitate ejusque propria sede ac causa fouemus, sententiam, vt nimirum nequaquam ea vis fibræ musculari solidæ, qua tali, quasi innata inhæreat, nec in elementis hujus fibræ, neque terra neque glutine, qua talibus, nec in eorum mixtione, compositione indeque enata fibræ illius structura sit quærenda, sed a nervis eorumque, quod vehunt, liquido potius maxime sit petenda, quod, cum continuo iis fibris proxime adferatur, vim irritabilem ipsis impertiat; quamuis etiam haud plane negare vellemus, ab arteriis, musculos quæ adeunt, simile forte & analogum liquori nervoso secerni circa fibras liquidum, quod, licet non admodum, aliquantulum tamen, irritabilitatem a nerueo liquore jam productam juuare queat atque adaugere. Quoniam vero, quæ observationibus & experimentis constant, satis certo docere videntur, multo latius in corpore nostro patere vim irritabilem fibris, in musculis nostris tantum quæ adparent; ideo, eam vim patere latissime & per totum fere corpus viuum esse diffusam, cum Ill.





GAUBIO credidimus; ut nimirum, ubicunque in corpore nostro adsint fibræ flexiles, molles & ad contractiones celeriores, vividiores, concipiendis idoneæ, ibi, si modo nervi eousque ad has perueniant, ut liquido suo proxime eas attingant, vim quoque irritabilem ipsis impertire valeant; ideoque, fortassis & cellulosa tela ea vi quodammodo gaudeat, imo, quam vita durante paullo alacriorem existere vim contractilem mortuam diximus (§. III.), hanc etiam liquido nerveo ex parte deberi, hincque irritabilitatem fortè, nil aliud esse, quam vim physicam aut mortuam, a liquore nerveo quasi animatam, conjecturari possit. Cum autem eæ in corpore nostro, quibus muscoli componuntur, fibræ majorem fere præ cæteris irritabilitatem sint nactæ, certam omnino structuram hic subesse persuademur, quæ posita liquor nervosus evidentiorum illum vis irritabilis gradum conciliare ipsis valeat; siue nunc quodcunque filum minimum seu fibra vltima, sensibus non attingenda, singularem illam structuram obtinuerit; siue in ratione ea, qua in fibra majori visibili adunata sunt fila ista minima, quæque non arctius tantum sibi sunt connexa, sed parallela etiam sibi adjacent, detortis finibus conglutinata, structura illa potius consistat; quorum quidem posterius eam ob causam nobis videtur verosimilius, quia non tantum ex hoc quoque adsumto explicari quodammodo posset maior ista cordis præ cæteris musculis irritabilitas, quippe in quo musculo arctius ac in reliquis sibi iunctæ sint fibrillæ; verum etiam perspicui forsan queat, qui fiat, ut cellulosæ magis stipatæ v. g. cutis, vesiculæ feminales, arteriæ, (quorum priorum vis irritabilis nervis copiosius intertextis utique quoque debetur,) irritabilitatem quandam ostendere queant, quam aliæ cellu-  
losæ



losæ telæ, laxiores quæ sint, vix detegere permittant; quamuis et hæc et illæ, cum tantum cellulosæ sint et ex fibris longis, cylindricis, parallelis, detortis finibus conglutinati non, vti musculares fibræ visibiles, consistant, nunquam eam, quam muscoli habent, irritabilitatem consequi queant.

Sed quænam liquidi neruei natura, qua fibram, certo licet modo structam, tamen vi contractili fere mortua alias tantum præditam, animet quasi et tantis motibus subeundis nunc aptam reddat, si ei accedat aut admisceatur? An forte electrica materies? Non videtur. Ea enim cancellis ita non continetur, in motum si excitatur, quam liquor nervosus nervis, aut iis, qui irritati fuerint, musculis, sed parti cuidam corporis animalis communicata totum fere corpus pervadit, ut ossa etiam contremiscere faciat. Annon autem quodammodo ei similis? Utique suadere videntur similis vivacitas motuum et aucta musculorum post electrizationem irritabilitas. Igneam ergo velut naturam electrica materies ipsa luce, ipsis scintillis, quibus conspicuam se præbet, demonstrat. Ignem ergo ipsum forte constituit, sed modo tenuissima alia, quamuis minus igne subtili, materie corporum, quibus inhabitat, intime commixtum et fixiorem paullo redditum. Forte itaque et liquor nerveus simili modo ignis materiam habet copiosissimam, sed subtilissima atque optima lymphæ nutritiæ animalis parte intime sibi commixtam, aque ea magis fixam redditam, quam quidem fixa ab electricorum corporum effluviis facta erat electrica materies. Et forte similis natura est succis plantarum earum, irritabilitate quæ gaudent. Ignem enim ut omnium elementorum efficacissimum et maxime actiuum, haud sine ratione Chemici recipiunt, cui omnes in mundo





mundo nostro motus debeantur quique reliquis elementis, inertibus alias et passivis, actiuitatem tantum, iis scil. vnitus, imper-  
 tiat. Eiusmodi itaque ignea materie, sed optima lymphæ nutri-  
 tiæ parte fixiore reddita, forte etiam pars seminis paterni sæcun-  
 dans constat, quæ, cum ad embryonem accesserit, non tantum  
 primum motus in eo excitare, verum et, nervis eius embryo-  
 nis inprimis communicata, horum liquorem suppeditare videtur,  
 qui dein, perpetuo nutritione reparatus, irritabilitatem, qua se-  
 mel fibras ad eam concipiendam aptas imbuerit, in iis vltius  
 procreet et conseruet. Quemadmodum autem electrica vis,  
 quippe nostræ haud plane absimilis, in actum cietur, cum fere  
 quieuerit, quando aut materies ea, cui debetur, a tritu corpo-  
 rum, quibus inest, aut ab alia simili materie, ex aliis corporibus  
 electricis copiosius celeriusue accedente, impulsæ, ad motum  
 celeriores disponitur; ita et irritabilitas motu contractili viui-  
 diore fibrarum conspicuam se reddet, si liquor nerveus, fibræ  
 admixtus vel circumfusus, cum lente antea moueretur, nunc  
 aut stimulo ab extra admoto, aut copiosius celeriusue simili ac-  
 cedente liquido impulsus, fibræ eius elementa ad viuidio-  
 rem se inuicem adtrahendi nisum coegerit.

T A N T U M.











